

docri ver 文川网  
入驻商家  
在文川网搜索古籍书城 获取电子书


中國方志叢書·華北地方·第三一七號

據清·李榕原修·郝永茂補刊  
光緒九年刊本  
影印

陝西 省

華嶽志

476/109



成文出版社有限公司印行



中國方志叢書·華北地方·第三一七號

據清·李榕原修·郝永茂補刊  
光緒九年刊本  
影印

陝西 省

華嶽志

4678/09

成文出版社有限公司印行



中華民國五十九年 月壹一版

# 華 嶽 志

全二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

序

余以病假歸卧華麓高山  
在仰可望而不可即悼歎  
者久之一日李君雲圃來  
訪言及華山勝概因以所  
輯華山志見政余讀之見

其序次清晰、記載詳明、頓  
覺心曠神怡、不啻觀圖愈  
疾也、伏念華山紀載久無  
完書、為名山一恨、余以華  
人夙懷綴輯、而


王事鞅掌、有志未逮、今雲圃先

得我心之所同、然誠大快  
事也、爰命梓人、即付棗梨、  
以公同好、俾名山勝蹟、永  
傳不朽、則余之托栖華下  
者、亦為不虛矣、是為序、

道光辛卯正月望日華懋

楊翼武燕庭氏題於清白

別墅





序

華山舊有志、始於宋之廬鴻、金王處一、取仙傳圖經、益爲七十餘篇、元史志經、又搜訪古今碑記表傳、詩文輯爲十四卷、而志始備、明李時芳纂華嶽全集十三卷、馬明卿又增李集爲十四卷、可謂詳且盡矣、然務爲摭實、而畧於考核、近代王宜輔又嘗屬稿、而未成書、今行於世者、維明卿之志爾、姚公遠翻譏其龐雜簡畧、未盡華山之妙、於是芟繁

舉要訂爲華志十二卷、自謂折衷至當、而其書未  
傳、他若路一麟之華山小志、東蔭商之華山經、王  
宏撰之華山記、注雖簡核、詳明成一家言、而無與  
于紀載之林、非流覽者之所宜究心乎、榕托栖華  
下、舍館雲臺、二十餘年、因於嶽之勝概、時加考核、  
稽之往籍、參之近今、凡牧豎樵夫之一話一言、莫  
不詳察而切究之、旁參互証、務求的實、合者存之、  
謬者證之、總以實而可據者爲是、曰名勝、曰人物、

曰物產、曰金石、曰藝文、曰紀事、曰識餘、凡七篇。其  
每門纂輯之旨、各以小序詳之。雖芟繁補闕、有俟  
高明、而管中窺豹、亦庶幾乎一斑之見云。

道光元年歲次辛巳冬十月朔旦

關門李榕蔭伯甫書於

華山雲臺精舍



--	--	--	--	--	--	--	--	--	--

○ 補刊華山志序

己亥桐月午弦  
梅庵法

天下名山、五千有奇、以五  
嶽為最著、五嶽分位五方、  
奇秀挺拔、以太華為最著、  
職方之所紀、志乘之所書、  
固炳炳也、昌濬生長湖湘、  
日挹祝融、紫蓋之勝、而西

方重鎮、所謂三峰並峙者、  
恆結想於寤寐間、以未由  
一覩為憾、其後歷官吳越、  
去秦愈遠、訪華蓋益難矣、  
光緒戊寅奉

詔度隴、襄理軍事、取道商雒、經  
華之陽、凡玉女明星、蓮花

落雁諸峰，若隱若見，於雲霧間，引人入勝，欲從而登之，則壁立千仞，無路可攀。為惆悵者久之。蓋遊嶽者，皆取道山北，其南則可望不可即也。壬午秋，述職入覲，道出華陰，始覩全山面目。時

會稽陳簫臺、明府方權、邑  
篆、為東道主、約之同遊、欣  
然願往、入山二十里、至青  
柯坪、仰視三峰、厯厯可數、  
方謂昔日之有志未逮者、  
至是、庶克償厥願焉、乃驟  
雨忽至、中道而返、經日霰



霖不休、昌濟王事敦迫、未  
能宿留、因向道人、索山志  
觀之、以當身、歷其境、按志  
為道光初元、關門李蔭伯  
所纂、華邑楊燕廷觀察、捐  
資所刊、其中考核精詳、數  
陳贍富、為志乘中、不可多

docsriver 文川网  
入驻商家 古籍书城

在文川网搜索古籍书城 获取更多电子书


得之作、詢其版、則疊經兵  
燹、殘缺過半、昌濬念前功、  
不可中廢、繼起端賴有人、  
況茲山之麓、為關西夫子  
之故里、而是書剞劂之功、  
則家燕廷觀察、實始終之  
今日、修廢補墜、固昌濬之

責也爰分俸金囑簫臺明  
府取版片殘缺者悉補刊  
之以為茲山掌故工既竣  
明府郵寄一編并乞弁言  
於篇首而昌濬於入  
覲後乞假南旋適拜總漕之  
命馬首欲東離華益遠登嶽之

游、未知何日始遂、讀是書、  
而愈覺悵然矣、繼念宦轍  
馳驅、原無定所、東西南北、  
遷轉靡常、異日者、天假之  
緣、倘得重經關輔、昌濟雖  
老矣、尚當與二三子、登峰  
造極、徧覽茲山之勝、以展

壯遊而償素志也。爰書此以當左券云。

光緒癸未孟夏月總漕使者湘鄉楊昌濬石泉甫序





補刊華山志後序

光緒壬午秋八月

陝甘總督、湘鄉 楊公奉

詔入

覲道經華陰、信宿嶽廟、欲登山

阻雨弗果、索山志觀之、版

片多已散佚、公即慨捐



俸金并諭爵之捐廉助役

以補其缺爵之既承

公命因鳩工庀材囑道人

永茂董司其事越明年二

月剏厠告成置版玉泉院

中乞公為序爵之亦贊

詞簡末云方公之道出

茲邑也、遊嶽未果、啟節東  
行、居無何、爵之、偕友顧孝  
廉、高第、諸君、相約同遊、得  
覽三峰之勝、既歸、復取山  
志讀之、所遊之境、志中屢  
歷如繪、然後知公之亟  
亟、補刻是書、誠以其雅贍

字

上



詳明、非尋常紀遊之編、所  
可同日道也、夫抱經世之  
略者、必有超世之量、自昔  
名公鉅卿、身居軒冕中、而  
寄情邱壑、託志山林者、指  
不勝屈、公之眷眷於是  
山也、每以未得登臨為憾、

其雅懷微尚、何異前賢、夫  
豈世俗之流、所能窺其萬  
一耶、公入

覲闕庭、即拜總漕之

命、仰荷

聖恩、優渥、倚任方隆、陶太尉作  
督、八州、輅車所歷、行且徧

於天下、如異日旌旆重來、  
克踐夙約、爵之、倘獲從、  
公遊、竊願杖策以從、亦猶是  
書之缺而復全、躬逢其盛、  
得以廁名、簡末附驥尾、而  
益彰也、豈非厚幸歟、謹拜  
手、而為之序、

光緒九年歲在癸未仲夏  
之月、前署華陰縣事、會稽  
陳爵之、蕭臺甫、謹序



docsriver 文川网  
入驻商家 古籍书城

在文川网搜索古籍书城 获取更多电子书





華嶽志目錄

卷之首

聖製

圖說

卷之一

名勝

卷之二

人物

卷之三

物產